



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt XII. Quatuor alia Decreta. Vnum potissimum omissum à Suaui in  
eorum compendio: alia ab eodem calumnijs perstricta, tum de  
sacerdotiorum animas procurantium collatione, tum de primis causarum

...

**urn:nbn:de:hbz:466:1-11718**

*Quatuor alia Decreta. Vnum potissimum omissum à Suaui in eorum compendio : alia ab eodem calumnüs perstricta , tum de sacerdotiorum animas procurantium collatione , tum de primis causarum iudicijs , tum de declaratione particulae , propo- nentibus Legatis. Patrum sententiae de his omnibus Decretis. Futuræ Sessionis denuntiatio.*

XVIII. **E**xpedit maximè animarum saluti , à dignis atque idoneis Parochiis gubernari. Id ut diligentius ac rectius perficiatur , statuit sancta Synodus , vt , cùm parochialis Ecclesiae vacatio , etiam cura Ecclesiae vel Episcopo incumbere dicatur , & per unum vel plures administretur , etiam in Ecclesiis patrimonialibus , seu receptiis nuncupatis , in quibus consuevit Episcopus uni vel pluribus curam animarum dare , quos omnes ad infra scriptum examen teneri mandat , per obitum , vel resignationem , etiam in Curia , seu aliter quomodocumq[ue] contigerit , etiam si ipsa parochialis Ecclesia reservata vel affecta fuerit generaliter vel specialiter , etiam vigore indulti , seu priuilegiis in favorem sancte Romane Ecclesie Cardinalium , seu Abbatum , vel Capitulorum : debeat Episcopus statim , habità notitiâ vacationis Ecclesiae , si opus fuerit , idoneum in ea Vicarium , cum congrua eius arbitrio , fructuum portionis assignatione , consti- tuere ; qui onera ipsius Ecclesiae sustineat , donec ei de Rectore prouideatur. Porro Episcopus , & qui ius patronatus habet , intra decem dies , vel aliud tempus ab Episcopo prescribendum , idoneos aliquot Clericos ad regendam Ecclesiam coram deputandis examinatoribus nominet. Liberum sit tamen etiam alijs , qui aliquos ad id aptos nouerint , eorum nomina deferre , vt possit postea de cuiuslibet etate , moribus & sufficientia fieri diligens inquisi- tio. Et si Episcopo aut Synodo prouinciali pro regionis more videbitur magis expedire , per edictum etiam publicum vocentur , qui volent examinari. Transacto constituto tempore , omnes , qui descripti fuerint , examinen- tur ab Episcopo , siue , eo impedito , ab eius Vicario generali , atque ab alijs examinatorebus , non paucioribus quam tribus ; quorum votis , si pares aut singulares fuerint , accedere possit Episcopus vel Vicarius , quibus magis vi- debitur. Examinatores autem singulis annis in diœcesana Synodo ab Epi- scopo , vel eius Vicario , ad minus sex proponantur ; qui Synodo satisfaciant , & ab ea probentur. Aduenienteq[ue] vacatione cuiuslibet Ecclesiae , tres ex illis eligat Episcopus , qui cum eo examen perficiant ; indeq[ue] succedente aliâ vacatione , aut eisdem aut alias tres , quos maluerit , ex predictis illis sex eligat.

G g g g 2

1563. eligat. Sint verò hi examinatores Magistri, seu Doctores, aut Licentiatii in Theologia, aut Iure Canonico, vel alij Clerici, seu Regulares etiam ex Ordine mendicantium, aut etiam saeculares, qui ad id videbuntur magis idonei; iurentq; omnes ad sancta Dei Euangelia, se, quacumque humana affectione postposita, fideliter munus executuros. Causantq; ne quidquam prorsus occasione huius examinis, nec antè nec post accipient: alioquin simoni & vitium tam ipsi, quam alij dantes incurvant; à qua absolu nequeam, nisi dimissis beneficijs, que quomodocumque etiam antea obtinebant; & ad alia in posterum inhabiles reddantur. Et de his omnibus non solum coram Deo, sed etiam in Synodo provinciali, si opus fuerit, rationem reddere tenentur; à qua, si quid contra officium eos fecisse compertum fuerit, grauiter eius arbitrio puniri possint. Peracto deinde examine renuntientur, quotcumque ab his idonei iudicati fuerint etate, moribus, doctrina, prudentia, & alijs rebus ad vacantem Ecclesiam gubernandam opportunis. Ex hisq; Episcopus eum eligat, quem ceteris magis idoneum iudicauerit; atque illi, & non alteri collatio Ecclesiae ab eo fiat, ad quem spectabit eam conferre. Si verò iuris patronatus ecclesiastici erit; ac institutio ad Episcopum, & non alium pertineat, is, quem patronus dignorem inter probatos ab examinatorebus iudicabit, Episcopo presentare teneatur, ut ab eo instituatur. Cum verò institutio ab alio quam ab Episcopo erit facienda, tunc Episcopus solus ex dignis eligit dignorem, quem patronus ei presentet, ad quem institutio spectat. Quod si ius patronatus laicorum fuerit; debeat qui a patrono presentatus erit, ab eisdem deputatis, ut supra, examinari, & non, nisi idoneus repertus fuerit, admitti. In omnibusq; supradictis casibus non cuiquam alteri, quam unius ex predictis examinatis, & ab examinatorebus approbat, iuxta supradictam regulam, de Ecclesia prouideatur; nec predictorum examinatorem relationem, quo minus executionem habeat, villa denolutio, aut appellatio, etiam ad Sedem Apostolicam, sive eiusdem Sedis Legatos, aut Vicelegatos, aut Nuntios, seu Episcopos, aut Metropolitanos, Primate, vel Patriarchas interposta, impedit aut suspendat; alioquin Vicarius, quem Ecclesie vacanti anteà Episcopus arbitrio suo ad tempus deputauit, vel forsitan postea deputabit, ab eius Ecclesie custodia & administratione non amoveatur, donec aut eidem, aut alteri, qui probatus & electus fuerit, ut supra, sit prouisum: alias prouisiones omnes, seu institutiones, praeter supradictam formam factae, surreptitiae esse censeantur: non obstantibus huic decreto exemptionibus, indultis, priuilegijs, præventionibus, affectionibus, nouis prouisionibus, indultis concessis quibuscumque Universitatibus, etiam ad certam summam, & alijs impedimentis quibuscumque. Si tamen adeò exigui redditus dicta parochiales fuerint, ut totius huius examinationis operam non ferant; aut nemo sit, qui se examini querat subiecere; aut ob

apertas

Historiæ  
Concilij Tr

Part III.

Sixt

7

apertas factiones, seu dissidia, quæ in aliquibus locis reperiuntur, facile  
gyauiores rixæ ac tumultus possint excitari; poterit Ordinarius, si pro sua  
conscientia cum deputatorum consilio ita expedire arbitrabitur, hac formâ  
omissâ, priuatum aliud examen, ceteris tamen, ut supra, seruatis, adhi-  
bere. Licebit etiam Synodo provinciali, si qua in supradictis circa exami-  
nationis formam addenda remittendâve esse censuerit, prouidere.

1563.

<sup>2</sup> Suaiana expositio huius Decreti sic s' habet: Illud maiori ex  
parte deletum fuisse sinistrâ Romæ interpretatione; nimirum, con-  
cursui locum dandum non esse in vacationibus ex resignatione oc-  
currentibus, & idcircò solùm obseruari in ijs quæ fortuitò contin-  
gunt. Perspiciamus, vtra ex his, an Suauis expositio, an Romæ con-  
fuetudo, magis repugnet Decreto Tridentino ac rationi.

Indubitatum est, si non prohibetur ne interdum admittatur re-  
signatio pro certa persona, Decretum ad huiusmodi generis vacatio-  
nes extendi non posse. Quod autem Synodus hoc non prohibeat,  
perspicuum est, cum verbum de eo nullum faciat: at verò quod  
spectat ad consecutionem, quæ Suauis voce concerepat, Decretum  
videlicet non nisi in vacationibus fortuitis ad opus deduci, obser-  
uetur, quæso, in singulis dicecessibus, num maior Paræciarum num-  
erus obtineatur ab ijs qui ex renuntiatione illas consecuti fuerint, an  
potius ex obitudecessorum. Et sanè magis fortuitum est prius  
quam posterius. Etenim cum oporteat, tum ut Parochus ante resi-  
gnationem tres annos Paræciæ feruiat, tum ut tunc nominet non  
quemcumque sibi acceptum, sed eum, qui si non tamquam sum-  
mè dignus, certè tamquam dignus approbandus est, tum etiam ut  
se spoliat sacerdotio; longè frequentius, adeoque minus fortuitum  
est vacare Paræcias causâ mortis, quæ cunctis accidit, hominum  
que voluntatem non præstolatur. In reliquum satis conspicor,  
estate præsentis Pontificis Alexandri VII. præter examina publica,  
quæ in quavis electione docet experientia utilia esse, non sufficien-  
tia, claram inquire de conditionibus clerici, cui sacerdotium renun-  
tiatur; & ubi huic exquisitori probationi metallum est impar, rejici.  
Enimvero cum resignatio tantummodo moderatè, & productis  
antea causis, permittitur, varia confert commoda. Complures iuue-  
nes in litterarum ac virtutum studijs educantur, propter spem obti-  
nendi huiusmodi resignationes ab aliquo sacerdote sene eiusdem  
familie. Ij qui possident sacerdotia, maiori feruntur studio ad re-  
parandam & exornandam Ecclesiam, bonaque stabilia conseruan-  
da, confidentes, gratiosum sibi hominem se subrogaturos. Ex eadem  
causa complures, vel ex senio vel ex morbo parum idonei, facilis  
inducunt

G gggg 3

1563. inducunt animum ad deponendam non bene administratam animarum curam : & tandem id quasi præmium tribuitur laboribus, ab antiquo possestori toleratis. Porro qui à rebus sacrosanctis amouere vellet quidquid terrenum est, speret hoc in cælo , non in terris perfectum iri ; & reminiscatur , ipsa Sacra menta , quæ diuinæ gratiæ fontes sunt, à Christo in materia , quæ sub sensu cadit, instituta fuisse.

XIX. Decernit sancta Synodus , mandata de prouidendo , & gratia , & Expectatiua dicuntur , nemini amplius , etiam Collegijs , Vniuersitatibus , Senatibus , & alijs singularibus personis , etiam sub nomine indulti , aut ad certam summam , vel alio quoouis colore concedi , nec hactenus concessis cuiquam uti licere. Sed nec reservationes mentales , nec aliæ quæcumque gratia ad vacatura , nec indulta ad alienas Ecclesiæ , vel monasteria alicui , etiam ex sancte Romane Ecclesiæ Cardinalibus , concedantur , & hactenus concessa , abrogata esse censeantur.

De hoc capite maximiè utili disciplinæ , maximeque noxio temporariæ utilitati Aulæ Romanæ , nullam facit mentionem Suavis in catalogo , & in summa quam affert horum Decretorum ; & idcirco ea tamquam viginti numerat , cum fuerint vnum supra viginti . Si negligentia non fuit affectata , supina certè dicenda est.

XX. Causa omnes , ad forum Ecclesiasticum quomodolibet pertinentes , etiam si beneficiales sint , in prima instantia coram Ordinarij locorum dumtaxat cognoscantur , atque omnino , saltem infra biennium à die motæ litis , terminentur : alioquin post id spatium liberum sit partibus , vel alteri illarum , iudices superiores , alias tamen competentes , adire ; qui causam in estatu , quo fuerit , assumant , & quamprimum terminari curent ; nec ante alijs committantur , nec auocentur : neque appellations ab eisdem interpositæ , per superiores quo cumque recipiantur ; eorumve commissio aut inhibitiō fiat nisi à definitiua , vel à definitiua vim habente , & cuius gravamen per appellationem à definitiua reparari nequeat. Ab his excipiuntur cause , que iuxta canonicas sanctiones apud Sedem Apostolicam sunt tractandæ ; vel quas ex urgenti rationabiliq. causa iudicauerit summus Romanus Pontifex per speciale rescriptum Signatura Sanctitatis sue , manu propriâ subscribendum , committere , aut auocare. Ad hæc , cause matrimoniales & criminales non Decani , Archidiaconi , aut aliorum inferiorum iudicio , etiam visitando , sed Episcopi tantum examini & iurisdictio ni relinquuntur ; etiam si in praesenti inter Episcopum & Decanum , seu Archidiaconum , aut alijs inferiores super causarum istarum cognitione lis aliqua in quacumque instantia pendeat : coram quo , si pars vere paupertatem probauerit , non cogatur extra prouinciam nec in secunda nec in tertia instantia .

instantia in eadem causa matrimoniali litigare; nisi pars altera & alimenta & expensas litis velit subministrare. Legati quoque, etiam de latere, Nunty, Gubernatores Ecclesiastici, aut alijs, quarumcumque facultatum vi-gore, non solum Episcopos in predictis causis impedire, aut aliquo modo eorum iurisdictionem ipsi præripere aut turbare non presumant; sed nec etiam contra Clericos, aliasve personas Ecclesiasticas, nisi Episcopo prius requisito, eoq; negligente, procedant: alias eorum processus ordinationesve nullius momenti sint: atque ad damnii satisfactionem, partibus illati, tene-antur. Præterea, si quis in casibus à iure permisiss appellauerit, aut de alto grauamine conquestus fuerit; seu alias ob lapsum bienniū, de quo supra, ad alium iudicem recurrerit, teneantur acta omnia, coram Episcopo gesta, ad iudicem appellationis expensis suis transferre, eodem tamen Episco-po prius admonito, vt, si quid ei pro causa instructione videbitur, possit iudicii appellationis significare. Quod si appellatus compareat, cogatur tunc quoque actorum, que translata sunt, expensis pro portione sua, si illis uti voluerit, subire; nisi aliter ex loci consuetudine seruerit, vt scilicet ad appellantem integrum hoc onus pertineat. Porro ipsam actorum copiam teneatur notarius, congruā mercede acceptā, appellanti quanto ci-tius, & ad minus intra mensim, exhibere. Qui notarius si in differenda exhibitione fraudem fecerit, ab officij administratione arbitrio Ordinarij suspendatur; & ad dupli pœnam, quanti ea lis fuerit, inter appellantem & pauperes loci distribuendam, compellatur. Index vero, si & ipse im-pedimenti huius conscius particepsve fuerit, aliterve obstiterit, ne appellanti integrè acta intra tempus traderentur; ad eamdem dupli pœnam, pro-ut supra, teneatur: non obstantibus, quo ad omnia supra scripta, priuile-gijs, indultis, concordijs, quæ suos tantum teneant auctores, & alijs quibus-cumque consuetudinibus.

4 Affirmat Suavis, Decretum ab ipsa acceptance fuisse omnino de-structum. Etenim prius quoque causæ legitimis iudicibus non adi-mebantur, nisi, ait ille, Pontifice eas committente. & adiicit, Nunc, ser-uatà morbi causà, symptomati dumtaxat remedium admoueri. Quapropter nec plures, nec pauciores causas, quam vellet Pontifex, Episcopis adem-ptum iri.

5 Ut initium ducamus ab hoc postremo illius corollario. Nemo vñquam in Synodo hac de re dubitauit: nā etiamsi nulla peculiaris restrictio fuisset adiecta Decreto, satis erat vniuersalis exceptio, vñanimi ferè consensu ad initium & ad finem emendationum ap-posita, Saluā semper Apostolice Sedis autoritate; quo per expressam Synodi mentem licet Pontifici, nullius habitâ ratione Decreti, in hoc & in reliquis pro arbitratu suo agere. Id autem quod à Syno-do

1563. do intendebatur, erat, ne in posterum Romanis Pontificibus bonum videretur id agere, nisi raro, & graui de causa: quod subsecutum nec ne sit, statim videbimus. Præterea falsum est, anteà quoque non ademptas fuisse causas in prima ipsarum delatione legitimis iudicibus, hoc est Ordinarijs, de quibus agimus, nisi ex mandato Pontificio in cunctis euentibus. Etenim regulæ vniuersales erant de auocandis Romam causis sacerdotiorum, & Curialium, & virorum illustrium, & aliæ multiformes, quas suprà recensuimus in sententijs Patrum, eas excipere cupientium. Et præterea *Signatura*, ut vocant, *Iustitiae*, quæ aliunde Romam causas trahit, easque committit, quamquam nomine Pontificis; eo tamen neque conscientia neque subscriptio, facultatem obtinebat illas committendi, atque auocandi ab ordinarijs Tribunalibus. At verò hæc omnia ex ea noua sanctiōne cessarunt. Sed hæc argumenta parum referunt: effectum expendamus, eumque ferè digitus pertractemus. Digitis planè numeretur (quando quod rarum est, facile numerari potest) quot huius generis mandatis singulis annis subscriptis Pontifex per vniuersum Christianum Orbem: si ter aut quater id accidat, abundans annus haberi potest.

XXI. *Cupiens sancta Synodus*, ut ex *Decretis* ab ea editis nulla vnumquam futuris temporibus dubitandi occasio oriatur, verba illa, posita in *Decreto publicato Sessione primâ*, sub *Beatissimo Domino nostro Pio Quartto*, videlicet: *Quæ proponentibus Legatis ac Presidentibus*, ad horum temporum leuandas calamitates, sedandas de religione controversias, coercendas linguis dolosas, depravatorum morum abusus corrigendos, Ecclesiæ veram & Christianam pacem conciliandam, apta & idonea ipsi sancta Synodo videbuntur: explicando declarat, mentis suæ non fuisse, ut ex predictis verbis solita ratio tractandi negotia in generalibus Concilijs vlla ex parte immutaretur; neque noui quidquam, præter id quod à sacris Canonibus, vel generalium Synodorum formâ, haec tenus statutum est, cuiquam adderetur, vel detrahoretur.

Hic in summa Sua vis opponit: Quod spectabat ad præsentem Synodum, cum illi iam instaret finis, Decretum nihil amplius ipsi conducere; Synodis verò futuris illud documento fore ad omnes initio violentias exercendas; posteà verò simili declaratione illas excusandas, ac tamquam legitimas sustinendas. Egregia sancte rationatio! Si res ita se habebat, oportet modicâ fuisse intelligentiâ tot Oratores Principum, & Cæsarem cum illis, dum se tam cupidos illius inanis, innonoxia declarationis, eaque contentos se se ostenderunt. Sed rem perstringamus; ac primò quidem paucis repetemus.

repetamus quæ sparsim pluribus in locis de ea diximus. Cuiusmodi violentia poterat appellari id, quod Patres consultò atque concorditer, duobus tantummodo repugnantibus, & in Conuentu & in Sessione statuerant? An forte nouum est, facultatem inesse Republicæ destinandi, & ab ea re ipsa destinari quosdam præstantoris notæ ac prudentiæ, qui res propositas feligant ad euitandam confusionem, fastidium, ac tumultum; quæ certè afferret hæc libera facultas, vniuersè concessa cuilibet homini imprudenti, aut immoderato, aut seditione? Post hæc videamus, an re ipsa libertati debitæ id offecerit. Cuius rei propositio fuit optata, quæ ex illius Decreti vi censeretur exclusa? Oratores nōnne quæ vellet, plenè proposuerunt? Patres dogmaticam quæstionem non induxerunt de mansione & institutione Episcoporum, tametsi Legatis id non placeret? Quod si maior numerus illi parti adhæsisset quam Legati cauebant, definitio fuisset subsecuta. Iam verò ad inutilitatem pergamus huius nouæ declarationis, quam de futuris Synodis affirmat Suavis. Nōnne tunc aderat Synodo facultas proponendi & constituendi quæcumque vellet? quin reuerà non id præstitit? Numerentur ac ponderentur sanctiones illic postea confessæ, quæ sanè bonam partem exæquant eorum, quæ ad eam usque diem post ultimam conuocationem firmata fuerant. Quod spectabat ad futura Concilia, maiorne inde utilitas haberi poterat, quām non modo subtrahi illis vocibus vim omnem ad inferendum detrimentum Patrum Oratorumque libertati; sed (quod reuocatio non præstitisset) efficere, ut, etiamsi illæ denuò Synodis fuissent appositæ, non propterea ulli sublatum intelligeretur ius, quod alioquin ipsi deberetur?

<sup>8</sup> Iam verò harum accusationum confutatione expeditus, Patrum sententias referam. Lotharingus duplē in hoc rationem habuit, & in idem utraque redigebatur: ne Regis sensibus aduersaretur, adeoque nec se plenè contentum ostenderet illis emendationibus, quibus non omnino Rex acquiescere videbatur; nec ea comprobaret, quæ suspicionem ullam detrimenti regijs priuilegijs afferrent. Idcirco dixit, à se suo omniumque Gallicorum Episcoporum nomine renouari contestationem, quam ante biduum haberat in Conuentu: nimirum, accipi à se emendationem illam non tamquam integrā, & quæ sufficeret, sed tamquam principium, & quæ viam sterneret ad aliam perfectam, eamque siue à nouis Synodis, siue alio modo sperari Pontificum operā, & maximè Pij IV.

Pars III.

H h h h h stiana,

1563.

stiana, nimis tunc infirma & corrupta, redderetur idonea ad sustinendas grauiores purgationes, antiquis Canonibus renouatis, præsertim primarum quatuor Synodorum. Addidit, caput quintum de criminosis Episcoporum causis placere sibi, si Patribus placuisse; eoque magis, quod pridie in cœtu ipsis visum fuerat, Principum priuilegijs per illud derogandum non esse. Vigesimum quoque, de primis causarum delationibus, probari sibi pro ijs prouincijs, quæ iam totum illud non possidebant iuribus amplioribus, sicuti Gallia. Huius contestationis, à se, & à cunctis Gallicis Episcopis habitæ, petere se à publicis Concilij scribis, ut legitimum testimonium in Acta referrent ad perpetuam rei memoriam; idemque à se dici in duobus illis Decretis, ne quid detrimenti paterentur sacri Imperij & Germaniae iura. Postremò reiecit exceptionem, in sexto capite appositam, Episcoporum facultati absoluendi ab hæresi occulta per eas prouincias, vbi erat Inquisitionis Tribunal.

Madruccius in quinto, in vigesimo, & in exceptione modò dicta, ad Lotharingum accessit. Tum subsecutæ sunt reliquorum sententiæ, cum plurima schedularum inter se dissidentium varietate, præcipue in articulis suprà allatis, & in Iadrensis sententia contentis. In vniuersum, vbi in alijs Sessionibus mirum videbatur<sup>a</sup>, si qui pauci non omnino assentirentur tenori propositionum, quæ iam stabilitæ fuerant, in hac perpauci reperti sunt qui aliquid non contradixerint. Magis conspicua notabimus.

Erant qui vellent vt retinerentur mandata prospiciendi clericis pauperibus: alij, vt Decretum de primis caufarum delationibus ampliaretur; alij verò, vt restringeretur varijs modis. Fuit qui nomen Pensionum respuerit, ne vniuersè nominarentur. Fuit qui noluit, vt auctoritas absoluendi in Episcopis, ad casus occultos restringeretur: nec defuerunt, qui censerent, præhibitionem ne duæ Paræciaæ ab eodem haberentur, ad præteritum extendendam non esse, aut qui non probaret, in uno alteròve Decreto Cardinales nominari.

Postquam omnes verba feceré, cùm instaret secunda noctis hora, & cuncti languescerent præ laßitudine, adeoque non posset eo vesperi fieri prolixa & laboriosa collatio cuiusvis articuli sententiæ, primus Legatorum elatâ voce hæc protulit: *Decreta omnia ferè ab omnibus comprobantur; complures tamen in varijs Decretis appendices quasdam declarationesq; addidere, quæ rem ipsam non mutant. In secundo, in tertio, in quinto & in sexto quadam adnotata sunt, que pro maioris*

Acta Pa-  
leotii.

HISTORIÆ CONCILII TRIDENTINI Lib. 23. Cap. 12. 795

maioris numeri voluntate componentur, & æquè habebuntur, ac si fuissent  
in presenti Sessione composita.

1563.

<sup>12</sup> Denique ab Episcopo Sacris operato recitatum est Decretum de  
celebranda futura Sessione nono Decembris, cum potestate con-  
trahendi temporis; in qua ageretur de sexto Decreto retardato de  
Ecclesiasticorum Collegiorum immunitate; ac de his omnes con-  
uenere. Ex hoc successu cùm Synodus ad id usque temporis non nisi  
mare, cælum & scopulos aspexisset, visa tunc est portum conspicari  
aurà propitiâ; sed non sine metu, ne ab impetu Austri insurgentis  
abriperetur.



Hhhh 2 HISTO-